


醫籍攷

卷四十七四十八  
方論二十五二十六

武  
2  
24



武  
2  
24

九折堂山田  
氏圖書之記

岡氏  
齋

岡氏  
齋

醫籍考卷四十七

東都 丹波元胤紹翁 編

方論 二十五

七名氏混俗順王錄

宋志二卷

佚

玉鑑論

宋志五卷

佚

丁氏信臣左藏方

佚

劉昉曰西京左藏庫使丁信臣切切新書

梁氏逢克惠眼觀證

佚

劉昉曰宜苗戴師假術翰林醫學梁逢克撰得之前宗正丞  
葵衛子周家藏

亡名氏鳳髓經

佚

飛仙論

佚

聯珠論

佚

保信論

佚

惠濟歌

佚

吉氏搗之家傳方

佚

劉昉曰此書皆得之前岳州平江令吉搗之謙伯家藏上六  
書舊有寶章方今別錄並不載所作之人內吉氏家傳乃謙  
于兒科部故欠其一

伯子集之方

聚寶方

佚

劉昉曰不載所作之人得之長沙醫工鄭愈

五關貫真珠囊

佚

劉昉曰不載所作之人得之長沙醫工毛彬

盧氏相醫鏡

佚

史氏堪指南方

宋志二卷

存

陳振孫曰指南方三卷蜀人史堪載之撰凡三十一門各有論

王璠曰史載之指南方嚴州公庫有版百一

魯應龍曰朱師古眉州人年三十時得疾不能食聞董暉即

嘔用火鑄旋煮湯沃淡飯數數食之醫莫能知史載之曰俗

輩不讀醫經而妄欲療人可歎也君之疾正在素問經中名

食掛凡人肺六葉舒張如蓋下覆於脾子母氣和則進食一

或有疾則肺不能舒脾為之蔽故不嗜食素問曰肺葉焦熱

掛遂投一方買藥服之三日聞人食肉甚香取而啖之遂愈

施彥執曰蔡元長苦大腸秘回醫不能通蓋元長不服大黃  
等藥故也時史載之未知名往謁之閤者齟齬久之乃得見  
已診脈史欲示奇曰請求二十錢元長曰何為曰欲市紫苑  
耳史遂市紫苑二十文未之以進須臾遂通元長大驚問其  
說曰大腸肺之傳送今之秘無他以肺氣濁耳紫苑清肺氣  
此所以通也此古今所未聞但不知用何湯下耳

此總錄

宋氏闕名千金方

藝文畧三卷

佚

張氏處環方

藝文畧三卷

佚

亡名氏意外方

藝文畧一卷

佚

章氏闕名月錄方

藝文畧一卷

佚

陳氏闕名太醫方

藝文畧一卷

佚

張氏銳雞峯備急方

宋志一卷

佚

陳振孫曰雞峯備急方一卷太醫局教授張銳撰紹興三年為序大抵皆單方

劉昉曰雞峯備急蜀醫張銳編銳字子剛

張杲曰予伯祖張諱字宗廟諱字子充歙人也家舊以財雄鄉里

族人以醫名者因留意焉長聞蘄水道人龐君安常以醫

聞淮南往從之遊一日丐者扣門自言為風寒所苦龐君令以藥濟之丐者問當用何湯龐君見其手執敗扇指以此煎藥調所服之藥公初不省其意乃曰豈非本草所謂敗扇能出汗者乎龐曰然公辭歸嘆曰龐君用藥則善矣聞川有王朴先生者其察脈非特知人之病而太素之妙能測人之死生禍福見於未著之前服齋幾年盡得其妙乃辭而歸先是宣之南陵有富者惟一子而家累萬許適中寒疾以為不可救則氣息僅存以為可療則邈不知人召公治之公笑曰正有此藥然此病後三日當蘇蘇必欲飲水則以此藥與之服畢當酣寢切勿驚動醒則汗解而安矣富者如其言其子之

疾果愈南陵宰其妻亦苦寒疾醫者環視無所措手公探囊中得藥服之即起矣如其言而亦安云云惜乎公名盛於宗寧大觀時而享年止四十有九卒於南昌是日也晨起見郡將云某之大事在今日午時後事必當累公郡將曰不至此公曰吾診脈血已入心矣使人候之果如期而卒張季明自記其伯祖子免事

宋氏道方全生集

佚

劉昉曰全生集宋道方撰道方字義叔拱州人

王明清曰宋道方毅叔以醫名天下居南京然不肯赴諸病

者扶攜以就求脈政和初田登守郡母病危甚呼之不至登怒曰使吾母死亦以憂去殺此人不過斥責即遣人禽至庭下呵之曰三日之內不痊則吾當誅汝以徇衆毅叔曰容爲診之既而曰尚可活處以丹劑遂愈田喜甚云吾一時相困辱然豈可不刷前耻乎用大守之車從妓樂酬以千緡俾群卒負於前增以綵釀導引還其家旬日後田母病復作呼之則全家遁去因母遂殂蓋其疾先已在膏肓宋姑以良藥其死耳揮塵錄話

徽宗聖濟經

宋志十卷

佚

御製序曰一陰一陽之謂道偏陰偏陽之謂疾不明乎道未  
有能已人之疾者陰陽相照相蓋相治四時相代相生相殺  
五行更王更廢更相人生其間歸于陰陽復于四時制于五  
行平則為福有餘則為禍淫則為疾惟非數之所能攝而獨  
立于萬形之上非物之所能制而周行于萬有之內為能以  
道御時以神用數形全精復與天為一昔者黃帝氏蓋體神  
而明乎道者也問道于廣成見大塊于具茨而自親事于法  
宮之中垂衣裳作書契造甲子定律曆所以成天之亶亶者  
雖風后力牧常先太鴻奉令成教之不暇而不可改及然且嘆

世德之下衰潤斯民之敦朴上悖日月之明下鑠山川之精  
中墮四時之施至于逐妄耗真曾不終其天年而中道以大  
延詢岐伯作為內經通神明之德類萬物之情其言與典墳  
相為表裏而世莫得其傳至號醫者流與謂易為卜筮者何  
異朕甚悼之自繼述以來兢兢業業夙夜不敢康萬機之餘  
細繹訪問務法上古探天人之願精原性命之理明榮衛之清  
濁究七八之盛衰辨逆順鑿盈虛為書十篇凡四十二章名  
之曰聖濟經使上士聞之意契而道存中士攷之自華而振  
實可以養生可以立命可以躋一世之民于仁壽之域用廣  
黃帝氏之傳宣不羨哉嗚呼陰淫寒疾陽淫熱疾風淫末疾



雨淫腹疾陰陽之寇外傷其形有如此者意傷于憂悲而支  
廢魂傷于悲哀而筋攣魄傷于喜樂而皮稿志傷于恚怒而  
不能俛仰情偽之感內傷其真有如此者積虧成損積損成  
衰患固多藏于細微而發于人之所忽益止于畎會而損在  
于尾閭戒之慎之疾成而後療神醫不可為也若乃推行道  
術輔正而去邪立學建官群多士而教養廩無告拯病苦而  
瑾其亡歿則布之政令載在有司此不復叙

趙希弁曰御製聖濟經十卷右徽宗皇帝所製也政和八年  
五月十一日詔頒之天下學校九月二十四日大司成李邦  
彥等言乃者從侍臣之請令內外學校課試於聖濟經出題

臣等切謂今內經道德經既已選博士訓說乞更以聖濟經  
附二經兼講從之

王應麟曰聖濟經十卷政和中御製并序體真原化慈切達道  
正紀食願守機衛生藥理審劑凡十篇陰陽適平精神內守  
而次凡四十二章一本云政和八年五月壬辰頒御製聖濟  
經以廣黃帝之傳其篇五十其章四十有二

吳氏提註聖濟經

書錄解題十卷

存

陳振孫曰政和御製辟癘學生昭武吳提註

內閣書目曰聖濟經解義一冊宋徽宗著太學生吳禔解釋醫書也

呂復曰聖濟經十卷宋徽宗所作大要祖述內素而引援六經旁及老氏之言以關軒岐遺旨政和間班是經于兩學辟靡生吳禔為之解義若達道正紀等篇皆足以裨益治道啓迪衆工餘如孕元立本制字命物二三章釋諸字義失於穿鑿良由不攷六書之過瑕瑜具存固無害於美玉也

黃氏維聖濟經解義

宋志十卷

佚

政和聖濟總錄

二百卷目錄一卷

存

文淵閣書目曰聖濟總錄一部一百二十冊闕又曰聖濟總錄一部九十五冊闕欠四十二卷

內閣書目錄曰聖濟總錄二十六冊不全元大德間重校

莫詳姓氏

御製序曰生者天地之大德疾者有生之大患方術者治疾之大法昔者神農氏黃帝氏獨觀太初旁燭妙有味百藥以辨物審百疾以全生其制名其取類其正君臣其立佐使其

見於太素玉冊之書雷公岐伯之問蓋皆開神明之蘊窮陰陽之變原性命之理而與天地同其覆載中古已還鑄之玉版藏之金匱功利及草木惠澤被牛馬所以遺天下後世甚厚歷年既久流弊滋甚糟粕具在而精意不傳內經有病名而莫之究有治法而莫之習極其妙至於通仙而莫之悟人之生也其位參於天地其靈貴於萬物形不盈匱而心侔造化寬畚尺宅修之可以長生寸田神牖閑之可以反照天關神廬息之可以召和去土符書金格鍊丹却粒御氣凌虛不假於物而裕然自足嗟夫達士可以神解昧者且不能養其形而況於了其心乎內之丘藏六府外之九竅四關者之于

讀

色發之于聲寓之三部九候一失其平則疾疢隨至神聖治於未兆工巧揀其已然非天下之至精孰能探天下之至顯非天下之至粗孰能祐天下之至神朕憫大道之鬱滯流俗之積習斯民之沈痼庸醫之妄作學非精博識非悟解五行之數六氣之化莫索其隱莫擬其遠曰寒曰熱寒熱之相搏差之毫釐失以千里而有餘者益之不足者損之率意用法草石雜進大枉者半不勝嘆哉萬機之餘著書四十二章發明內經之妙曰聖濟經其意精微其旨邁遠其所言在理所以探天下之至顯亦詔天下以方術來上并御府所藏頒之為補遺一卷治法一卷卷凡二百方箴二萬以病分門門各

讀

有論而叙統附焉。首之以風疾之慶動終之以神仙之服餌。詳至於命它經絡。祝由符禁無不悉備。名之曰政和聖濟總錄。其所載在事所以祐天下之至神。蓋聖人之賦世本在于上。末在于下。無見于上則治之道不立。無見于下則治之具不行。經之所言者道也。醫得之而窮神。總錄之所載者具也。醫用之而已。疾漢張仲景作傷寒論而雜之以方。唐孫思邈作千金方而繼之以翼。以謂不如是則世莫能用其術。然之二人者游于方術之內者也。彼超然獨見於方術之外。下顧岐伯之流而與之議始。可謂知道。朕作總錄於以急世用而拯民疾。亦斯道之筌蹄云耳。天下後世宜致思於忘筌蹄而

自得者。俯仰之間。頰災之度。御五行之數。運六氣之化。以相天地。以育萬物。至於反營魂而起當生者。豈細事哉。蓋有來者焉。

**焦養直序曰**。臣聞天地以溥生為大德。所以曲成萬物而不遺。聖人贊天地之化育。故歛時五福以敷錫于庶民。夫民之為物也。智者寡。愚者衆。起居失常。食飲無節。外傷寒暑燥濕。風以賊其形。內為喜怒思憂恐。以亂其氣。形氣廼為疾。所由作。聖人有憂之。謂祝由不可以盡已也。遂制藥石鍼艾。以攻八風六氣之邪。為湯液醪醴。以佐四時五行之正。防其未然。拯其已病。然後物各遂其生。民不大其命矣。亦謂非立憲言。

不可以福萬世也。於是上法天道，下因地宜，究陰陽之本，明生死之由，考於古而驗之，今取諸已而施之，人定為成書者，之玉版藏之，金匱宣之，於布政之堂，祕之於靈蘭之室，以俾來哲以施無窮，其為仁民愛物之心，斯可謂極矣。然其言至簡，其論至要，其理至深，後世學者雖有上智，非研精覈慮，則亦未見窺其奧也。故曠代之中，能以斯術鳴世者，時固有之。若夫神聖工巧，獨得先世不傳之秘，如和緩越人，亦不過十餘人而已。況去聖已遠，支分派別，析而為衆科業，而為專門，所以人各拘其偏，而莫肯究其全，則益不逮于古矣。積習成常，流弊滋甚，懼大道將遂於湮微，故聖濟總錄由是而作焉。

上下凡二百餘卷，始終幾二百萬言，逐病分門，門各有方，據經立論，論皆有統，蓋將使讀之者，觀論以求病因，方以命藥，則世無不識之病，病無妄投之藥，唯法有逆從，治有先後，在子智者擇其所當從，其所宜而已，究而言之，寔醫經之會要，學者之指南，生民之司命也。惜其始成於政和，重刊於大定，既綿歷百年之久，不能無三豕之訛。今主上神極御天，修飾制度，治具畢張，以謂是書所載，雖先聖之緒餘，其所以康濟斯民，亦致治之一助也。廼詔江浙行省，刊於有司，布之天下，其或繆戾，隨加釐正，復降德音，俾下臣為之序引，臣誠愚陋，竊不自量，仰惟聖德如天，甄陶萬類，爰自即位以來，于今七

羊恩決飛沈仁及草木然夙夜孜孜廣求民瘼或一物不得其所則必為之惻然臣謂此書復出則上下以輔相天地之宜下可以永底蒸民之生物無疵癘咸躋于仁壽之域矣大德四年二月集賢學士嘉議大夫典瑞少監臣焦養直序

按先子曰是書宋志并諸家書目不載南宋諸方書未見引據者蓋是書之成在於徽宗之季羊聖濟經和劑局方之後洪邁容齋隨筆云宣和殿大清樓龍圖閣所儲書籍靖康蕩折之餘盡歸于燕攷之宋史則云清康二年少帝在青城金人盡索國子監書版三館秘閣四部書大嘗禮物大成樂舞明堂大內圖以至乘輿服御珍

玩之物輦致軍前意者如此書鑄版纔成未及頒布亦在其中爾後南北殊域彼此不通故南宋之士不得觀之遂至併其目而無知者及金世宗大定中取所獲于汴都重刊頒行因傳于今矣嗚呼是書成于此宋而晦于南宋不傳于中國而存於夷狄而徽宗慈心之所寓不泯于千載者抑亦奇矣清程雲來纂要凡例云大德重校聖濟總錄元朝奉詔頒行者大版大字每卷首篇署元耶律楚材五字今吉醫官及予家所藏大德重校本亦大版大字然無耶律楚材字原文書法端雅蓋為宋版之舊但每卷首頁大德重校聖濟總錄卷第某數

字書刻並劣係于元人改刊無疑矣文化癸酉歲元胤  
與衆醫官議於醫學爲活字配印本閱四歲竣工

程氏林聖濟總錄纂要

二十六卷

佚

凡例曰是書宋徽宗政和詔集海內各醫併出御府所藏彙  
成共二百卷禁方秘論人所未聞按病治療無不奇驗厥後  
再刻於金大定三刻於元大德自耶律楚材精較奉詔頒行  
天下越今四百餘年無有剽削此書幾幾泯滅矣余昔從先  
叔祖敬通夫子緡閱刻本今經三十餘年又從友人江郢上

再觀抄本撫今追昔不勝愉快郢上請余刪繁纂要以便梓  
行濟世因留緡揚一載纂其精粹去其繁蕪共得二十六卷  
誠醫家之靈笈瓊函方藥之赤文綠字也博覽有知之  
大德重校聖濟總錄元朝奉詔頒行者大字大板每卷首篇  
署元耶律楚材五字明朝武林高相國家抄本用綿紙硃格  
繕寫精工亦依內府式大板大字今刻小板密字以便行笈  
可携檢方療病也一是書方法深奧博學究心者方能領會  
如虛勞紫雲方有追攝義霍亂書全散有劫奪義熱痢並連  
湯有及位義用之皆取効如神至若調七傷平五志攻六氣  
理三因方中有參附而用硝黃者有桂附而用芩連者必須

熟讀古人方經庶幾領會方法之妙也 一書中婦人門選其胎前產後帶瀉崩中小兒門選其急慢諸風五疳吐瀉若一切雜證與大人治法不殊於大人方中推類酌量用之一書中運氣集定六十年每年可按素問稽督查茲不刻 一書中鍼灸三卷符禁三卷古法不易行乳石發動二卷今人罕此患又食治三卷藥食不合宜俱不刻 一方中難得藥品如金牙銀牙礬石莽草之類不刻難合之方廢時日而不能應倉卒急需者亦不刻 一方中藥名仍從原本如天麻為赤箭牛旁為惡實又為鼠粘甜桔梗為薺茺山梔為越桃柴胡為比胡土茯苓為菝葜杏附為莎草根薄荷為雞蘇砂

仁為縮砂密天花粉為括蕁根輕粉為臘粉如此之類不能更改 一方中分兩古法難用今欲更改之失古人之意大約方中一兩今用一錢方中一分係二錢五分今用一字半一匕有半錢至五錢者在人以意消息加減可也 一是書成於北宋其時四大家劉河間李東垣張子和朱丹溪無一切活套應時方法補中益氣逍遙歸脾醫家遇沈疴痼疾疑難奇異等證用時方而不奏効良工亦束手者是書有神方也 又曰是書三副湊合仍缺小兒方五卷一百七十三卷至一百七十七卷止余於秘閣內府江浙齊梁諸鑿古家遍訪無有藏本欲補全而未能同學項視菴搜求小兒今古方論補全五卷議論簡要



方法詳明可稱全璧矣諸府以下卽其所補也

又曰神仙服餌三卷非烹砂煉石則嚼栢咀松或吐納清和或斬除尸害皆藏經所備載亦難行難用也一概刪去今選其可服餌延年駐顏者方十餘道又補益門方二十餘道爲養生家備用博雅君子求全書繙閱則余纂要一書濟世婆心廣開聞見富有賞識者矣

四庫全書提要曰聖濟總錄纂要二十六卷宋政和中奉敕編國朝程林刪定林字雲來休寧人初徽宗御製聖濟經十卷四十二章又詔集海內名醫出御府所藏禁方秘論纂輯成編凡二百卷其書久而佚脫林購求殘帙凡得三本互相

真尚闕一百七十三卷至一百七十七卷不可復見以其繁重難行乃撮其旨要重爲纂輯門類悉依其舊所闕小兒方五卷則倩其友項譽補之仍冠以徽宗原序大德四年集賢學士焦惠校上序及校刊諸臣銜名考晁陳二氏書目但有徽宗聖濟經不載是書觀焦惠序摺始成於政和重刊於大定殆汴京破後隨內府圖籍北行南渡諸人未睹其本歟今未見其原書然宋代宗尚醫藥搜羅至富就所採錄古來專門授受之方尚可以見其大略其每類冠論一篇亦皆詞簡而理明均足以資考訂原本之末有神仙服餌三卷或言烹砂煉石或言嚼栢咀松或言吐納清和或言斬除尸蓋是

時道教方興故有是妄語林病其荒誕一概汰除惟約取其尋常願養之藥三十餘方其別擇具有條理故所錄諸方多可行用與膠執古法者異焉

王氏既濟世全生指迷方

讀書附志  
作指迷集

宋志三卷

未見

趙希弁曰右考城王貺字士亨所著也吳丞相敏序之曰子亨當官不局遇世變嘗慨然再請出疆使萬里云

王明清曰王況字子亨本土人爲南京宋毅叔婚毅叔既以醫名擅南北况初傳其學未精薄游京師甚淒然會鹽法忽

變有大賈親揭示矢驚吐舌遂不能復入經旬食不下咽疴羸日甚國醫不能療其家憂懼勝於市曰有治之者當以十萬爲謝况利其所售之厚姑往應其求既見買之狀忍發笑不能制心以謂未易措手也其家人恠而詰之况謬爲大言答之曰所笑者輦轂之大如此乃無人治此小疾耳諸主人家曰試取鍼經來况謾檢之偶有穴與其疾似是者况曰爾家當勒狀與我萬一不能活則勿尤我當爲若鍼之可立効主病者不得已亦從之急鍼去之底抽鍼之際其人若委頓狀頃刻古遂伸縮如平時矣其家大喜謝之如約又爲之延譽自是翕然名動京師既小康始得盡心肘後之書卒有聞

於世事之偶然有如此者况後以醫得幸宜和中為朝請大夫著全生指迷論一書醫者多用之 桓廔蘇詒

陳振孫曰指迷方三卷考城王貺子亨撰吳丞相敏為之序貺為南京名醫宋毅叔之婿宣和中以醫得幸至朝請大夫四庫全書提要曰全生指迷方四卷宋王貺撰是書宋史藝文志作三卷而傳本久絕故醫家罕所徵引或至不知其名今檢永樂大典所收案條掇拾雖未必盡符原本然大要已略具矣方書所載大都標某湯某丸主治某病詳其藥品銖兩而止獨貺此書於每證之前非惟詳其病狀且一一論其病源使讀者有所據依易於運用其脈論及辨脈法諸條皆

明白曉暢凡三部九候之形病證變化之象及脈與病相應不相應之故無不辨其疑似剖析微茫亦可為診家之樞要謹詳加訂正分為二十一門依類編次而以論脈諸篇冠之於首因篇頁相繁釐為四卷不復如其原數焉

李子氏崇慶燕臺集

宋志五卷

佚

雷氏繼暉神聖集

宋志三卷

佚

萃氏闕名集

宋志十卷

佚

劉氏闕名五藏旁通導養方

注傳一

宋志一卷

佚

晨昏寧待方

宋志二卷

佚

大寶神驗藥方

宋志一卷

佚

悟玄子安神養性方

宋志一卷

佚

亡名氏雜用藥方

宋志五十五卷

佚

杜氏闕名集驗

宋志一卷

佚

郭氏仁普拾遺候用深靈玄錄

宋志五卷

佚

代氏榮醫鑑

宋志一卷

佚

陳氏總卿經驗方

佚

按陳總卿字華父右見于施氏續簡易方

梁氏闕名總要方

佚

何氏元弼神効方

佚

梁氏國佐見効方

佚

按右見于朱氏集驗方

醫籍考卷四十七

醫籍考卷四十八

東都丹波元胤紹翁編

方論 二十六

許氏叔微普濟本事方

宋志十二卷

存

自序曰醫之道大矣可以養生可以全身可以盡年可以利天下與來世是非淺識者所能為也苟精此道者通神明奪造化擅回生起死之功則精神之運必有默相於冥冥之中者豈可謂之藝與技術為等耶竊疑上古之時如岐伯輔黃

帝伊尹相高王皆有方書以療民瘼殆及後世周有和緩秦有扁鵲漢有倉公魏有華佗宋有徐文伯唐有孫思邈又皆神奇出人意表背望踵躡代不乏人自茲以往其妙不傳間有能者僅可一二數何古人精巧如是而今人之不逮也予嘗思之古人以此救人故天畀其道使普惠含靈後人以此射利故天嗇其術而不輕畀予無足疑者余年十一連遭家禍父以時疫母以氣中百日之間併失怙恃痛念里無良醫束手待盡及長成人刻意方書誓欲以救物為心杳冥之中似有所警年運而往今遍桑榆謾集已試之方及所得新意錄以傳遠題為普濟本事方孟啓有本事詩楊元素有本事

典皆有當時事實庶幾觀者見其曲折也余既以救物為心予而不求其報則是方也烏得不與衆共之

孝忠跋曰右許知可本事方并目錄制度共十二卷是書一方一論切病證而用之蠲痼起死有非常之功如言氣厥不可作中風候益腎用滋潤之藥五蟲能殺人及區別腸風藏毒蟲痔不同皆所以破後人之疑誤至於論說傷寒兩卷尤發明仲景指意善用之者如以是論扣是鑰一一契合無毫釐差山陽范應德先生蓋知可高弟深得其法孝忠童稚嘗從授書見其切脈用藥不與今醫者相似家叔與之游此方所從發也後刊板武昌苦無善本以正訛謬及歸老萊山意

頗闕然因孝忠侍見屢及之欲更定而不可歲且一紀孝忠  
來宦夷陵有蜀人劉奇者老於醫砭艾尤工誦經絡如流水  
遂相與許證甚悉又從鄂渚劉君邦佐參攷焉問其所未知  
釋其所可疑於是為備制度炮灸各疏其下方證胸穴有而  
未具者附益之凡六十有一又校定字畫增者二百二十有  
四減者六乙者七正其誤者三百三十有四銀木家塾于以  
成叔父之志夫許氏之本心寬其親之損於醫發憤此書濟  
世而不求其報用意到故無一不可用者後之人絡脈證候  
之不分新陳寒涼之無別精猶畢用炮制非法而於書有疑  
焉是不可與言也淳熙乙巳五月旦日孝忠謹書

陳振孫曰本事方十卷維揚許叔微知可撰紹興三年進士  
第六人以藥餌陰功見於夢寐事載夷堅志晚歲取平生已  
試驗之方併記其事實以為此書取本事詩詞之例以名之  
四庫全書提要曰類證普濟本事方十卷宋許叔微撰叔微  
字知可或曰揚州人或曰昆陵人惟曾敏行獨醒雜志作真  
州人二人同時當不誤也紹興二年進士醫家謂之許學士  
宋代詞臣率以學士為通稱不知所歷何官也是書載經驗  
諸方兼記醫案故以本事為名宋國禎湧幢小品載叔微嘗  
獲鄉薦春闈不利而歸舟次平望夢白衣人勸學醫遂得盧  
扁之妙凡有病者診候與藥不取其直晚歲取平生已試之



方併記其事實以爲本事方取本事詩之例以名之云云卽指此書然考獨醒雜誌叔微雖有夢見神人事而學醫則在其前不知國禎何本也叔微於診治之術最爲精詣故姚寬西漢叢語稱許叔微精於醫載其論肺蟲上行一條以爲微論其書屬詞簡雅不諧於俗故明以來不甚傳布此本從宋槧鈔出其中凡凡字皆作圓猶是漢張機傷寒論金匱要略舊例也國禎又記叔微所著尚在擬傷寒歌三卷凡百篇又有治法八十一篇及仲景脈法三十六圖翼傷寒論二卷辨類五卷今皆未見傳本疑其散佚矣

類證普濟本事方後集

十卷  
存

亡名氏治病須知

書錄解題一卷

佚

陳振孫曰不知名氏專論外證以用藥之次第爲不能知脈者設也

張氏致遠瘴論

宋志二卷

佚

宣請

宋史本傳畧曰張致遠字子猷南劍州沙縣人宣和三年中進士第宰相范宗尹薦其才召對擢為樞密院計議官建寇范汝為已降猶懷反側而招安官謝嚮陸棠受賂陰與之通致遠謁告歸知其情還白執政諸鋤其根拏於是捕嚮棠及制置司屬官施宜生付獄詔參知政事蓋庚為福州宣撫使討賊韓世忠副之辟致遠為隨軍機宜文字賊平除兩浙轉運判官改廣東轉運判官招撫劇盜曾袞等賊衆悉降紹興四年以監察御史召未至除殿中侍御史五年除戶部侍郎進吏部侍郎尋復為戶部侍郎除給事中尋以老母丐外以顯謨閣待制知台州朝廷以海寇鄭廣未平改知福州六

年八月廣等降致遠選留四百人置營城外餘遣還業復遣廣討他郡諸盜數月悉平八年正月再召為給事中出知廣州尋以顯謨閣待制致仕十七年卒年五十八致遠鯁亮有學識歷臺省侍從言論風旨皆卓然可觀

鄭氏樵鶴頂方

宋志二十四卷

佚

鄭樵曰五六年為天文地理之學為蟲魚草木之學以蟲魚草木之所得者作爾雅註作詩名物誌作本草成書作草木外類以方書之所得者作鶴頂方作食鱣作採治錄作畏惡

錄 夾滌遺藁上皇帝書

溫氏 闕名 舍人方

宋志一卷 註曰不知人

佚

卓氏 伯融 妙濟方

宋志一卷

佚

亡名氏 備用方

宋志二卷 註曰岳州守臣編不著名氏

佚

吳氏 得夫 集驗方

宋志七卷

佚

張氏 永 衛生家寶

佚

紹興府志曰張永洛陽人以醫術為翰林醫學與大醫令李會通同時先時會通治宮中疾用煎劑弗效永議為散進之即愈詔擢會通為駐泊即會通奏功由於永因同授駐泊即行八人呼為八伯駐扈從高宗南渡因家餘姚後登進士積勞至禮部尚書學士所著衛生家寶及小兒方傳於世子孫

稽醫者甚多皆以駐泊為名

王氏俱編類本草單方

宋志三十五卷

佚

陳振孫曰本草單方三十五卷工部侍郎宛邱王俱碩父撰取本草諸藥條下單方以門類編之凡四百二十六方

陳造跋曰一則專多則雜事物皆爾况藥之用於病乎予幼多疾好窮藥性嘗用香附子用木賊用露蜂房皆一再驗其法盡載本草書人顧不熟讀之爾思欲會最顯攬以應須者未暇也不意此惠術有先之者是書板在四明予宰定海首

得之列為三十五卷始于服餌終于婦人小兒雜療法亦備

矣然條分類別一閱可見益知異人世不乏才賢有識所在

有之裝校藏秘不惟自衛旁濟驕其夙心而不假編集之勞

晏享此利紹興辛亥十二月朔書書之何志喜也江湖長

何氏偶經驗藥方

宋志二卷

佚

陳振孫曰何氏方二卷太常博士括蒼何偁德揚撰

洪氏闕名集驗方醫藏目錄作洪遵濬寮方作洪

宋志五卷註曰不知名

佚

陳振孫曰集驗方二卷鄱陽洪氏

莫氏伯盛方

書錄解題一卷

佚

陳振孫曰刑部郎中吳興莫伯盛致道刻博濟方於永嘉而以其家藏經驗方附於後

李氏朝正備急總効方

宋志四十卷

佚

陳振孫曰備急總効方四十卷知平江府溧陽李朝正撰大抵皆單方也

孫氏紹遠大衍方

書錄解題十二卷

佚

陳振孫曰朝散大夫孫紹遠誓仲撰凡藥當豫備者四十九種故名大衍所在易得者不與焉諸方附於後

錢氏亨海上方

宋志一卷

佚

書錄解題曰海上方一卷不著名氏拾蒼刻本館閣書目有此方云乾道中知處州錢字編

李氏觀民集効方

宋志一卷

佚

陳振孫曰集効方一卷南康守李觀民集

陳氏言依源指治

六卷

佚

三因極一病證方論

宋志六卷

按通行本分作十八卷

存

自序曰余紹興辛巳為葉表弟梅伯材集方六卷前叙陰陽病脈證次及所因之說集註脈經類分八十一門方若于道題曰依源指治伯材在行朝得書欲託貴人刊行未幾下世遂已淳熙甲午復與友人湯致德遠慶德夫論及醫事之要無出三因辨因之初無踰脈息遂舉脈經曰關前一分人命之主左為人迎右為氣口蓋以人迎候外因氣口候內因其不應人迎氣口皆不內外因儻識三因病無餘蘊故曰醫事之要無出此也因編集應用諸方類分一百八十門得方一

千五十餘道題曰三因極一病源論粹或曰現行醫方山積  
便可指示何用此為殊不知晉漢所集不識時宜或詮次溷  
渚或附會雜糅古文簡脫章旨不明俗書無經性理乖悞庸  
筆喜用無驗有傷不削繁蕪固知樞要乃辨論前人所不了  
義庶幾開古賢之蹊徑為進學之幷蒙使夫見月忘指可也  
於是乎書青田鶴溪陳言無擇序

陳振孫曰三因極一方六卷括蒼陳言無擇撰三因者內因  
外因不內外因其說出金匱要略其所述方論往往皆古書  
也

處州府志曰陳言字無擇青田人敏悟絕人長於方脈治病

立効有不可救者則預告以期晷刻無爽作三因方論研窮  
受病之源用藥之等醫者宗之其徒王頌為簡易方并三論  
行於世

四庫全書提要曰三因極一病證方論十八卷宋陳言撰言  
字無擇莆田人是書分別三因歸於一治其說出金匱要略  
三因者一曰內因為七情發自藏府形於肢體一曰外因為  
六淫起於經絡舍於藏府一曰不內外因為飲食飢飽叫呼  
傷氣以及虎狼毒蟲金瘡壓溺之類每類有方又詞典  
雜而理致簡核非他家俚鄙冗雜之比蘇軾傳聖散子方葉  
夢得避暑錄詒極論其謬而不能明其所以然言亦指其通

治傷寒諸證之非而獨謂其方為寒疫所不廢可謂持平吳澄集有易簡歸一序稱近代醫方惟陳無擇議論最有根柢而其藥不驗嚴子禮剽取其論而附以平日所用經驗之藥則兼美矣是嚴氏濟生方其源出於此書也宋史著錄六卷陳振孫書錄解題亦同此本分為十八卷蓋何鉅所分第二卷中太醫習業一條有五經二十一史之說非南宋人所應見然證以諸家所引實為原書其詞氣亦非近代所及疑明代傳錄此書者不學已術但聞有二十一史之說遂妄改古書不及核其時代也

按侍醫河野君通

所藏宋槧三因方亦為十八卷則

知非後人所分陳振孫以無擇自序有紹興中集方六卷之語誤與是書相混宋志遂承其謬也宋本及通行本太醫習業條作五經諸史不載廿一史之語

王氏碩易簡方

宋志一卷

佚

自序曰醫言神聖工巧尚矣然有可傳者有不可傳者就其可傳者言之其略則當先診脈次參以病然後知為何證始可施以治法古人所謂脈病證治四者是也假如頭疼發熱人總謂之感冒不知其脈浮盛其病惡風自汗其證則曰傷



風治法當用桂枝若其脈緊盛其病惡寒無汗其證曰傷寒  
治法當用麻黃或二證交攻則兩藥兼用儻脈之不察證之  
莫辨投傷寒以桂枝投傷風以麻黃用藥一誤禍不旋踵又  
況六淫外感七情內賊停寒蘊熱痰飲積氣交互爲患證候  
多端亦有證同而病異證異而病同者尤難槩舉若欲分析  
門類明別是非的用何藥誰不願此奈何素不知脈況自古  
方論已不可勝紀寧能不惑於治法之衆將必至於嘗試而  
後已用藥顛錯諸證蜂起殆有甚於桂枝麻黃之誤古語有  
之者方三年無病可治治病三年無藥可療正謂是也故莫  
若從事於簡要今取常用之方凡一劑而可以外候兼用者

詳着其義於篇庶幾一見而知縱病有相類而證或不同亦  
可均以治療假如中風昏不知人四肢不收六脈沈伏亦有  
脈隨氣奔指下洪盛當是之時脈亦難別徒具諸方何者爲  
對加之有中寒中暑中濕中氣痰厥飲厥之類證大不同而  
外候則一急欲求其要領則皆由內蓄痰涎因有所中發而  
爲病總治之法無過下氣豁痰可解緩急氣下痰消其人必  
蘇自餘雜病以類而求其稍輕者對方施治自可獲愈或未  
全安亦可藉此以俟招醫若夫城郭縣鎮烟火相望衆醫所  
聚百藥所備尚可訪問其或不然津塗脣阻寧無急難倉皇  
闕接即可輯集今取方三十首各有增損備攻咀生料三十

品及市肆常貨圓藥一十種凡倉猝之病易療之疾靡不悉具惟虛損癩癩勞瘵癥瘕渴利等患既難亟愈不復更錄是書之作蓋自大丞相葛公始辭國政歸休里第命碩以常所驗治方抄其劑量大槩以備緩急之須碩自惟么麼不學辱丞相知遇不敢辭也已而士夫間頗亦知之不以其膚淺而訪問者踵至遂因已編類者揭其綱目更加辨析於其間其略亦粗備矣儻或可采敢收不與衛生家之共之承節即新差監臨安府富陽縣酒稅務王碩述

陳振孫曰易簡方一卷永嘉王碩德膚撰增損方三十首又咀藥三十品市肆常貨圓子藥十種以為倉卒應用之備其

問

書盛行於世

劉辰翁曰自易簡方行而四大方廢下至三因百一諸藏方廢至局方亦廢亦猶中庸大學顯而諸傳義廢至詩書易春秋俱廢故易簡方者近世名醫之藪也四書者吾儒之易簡方也須溪記鈔濟卷記

楊士瀛曰易簡方論前後活人不知其幾近世之士類以春秋之法繩之曰易簡繩愆曰增廣易簡曰續易簡借古人之盛名以自伸其臆說吁王氏何負於人哉余謂易簡方論後學指南四時治要議論似之自有人心權度存焉耳况王氏晚年劑量更定者不一日月薄蝕何損於明若夫索瘢洗垢

矯而過焉或者公論之所不予也  
亡名氏校正註方易簡方論

一卷

存

疑市原書可考

題詞曰此書乃親傳真本復加校正與文肆所買者大相遠  
絕補闕漏者二十餘段如降氣湯論症氣之類是也論中多  
舉局方等藥而不載方今並註其下計三十餘方如小續命  
湯之類是也若論中舉其名而方見於他段者則不復更註  
如白朮酒朮附湯之類是也至於市肆圓子不曾該載治療  
修合之法則人欲自行修製者必須參以局方而後可今並

該載其法略無差闕信為大備家有其書則凡遇疾病一披  
閱之瞭然畢見且板小字淨水陸之間便於攜帶尤為盡善  
收書者自鑒別

孫氏

志寧

增修易簡方論

澹寮方作增損易簡方  
或作增品易簡方

佚

盧祖常曰竊見孫志寧增修易簡已自是祛起王碩淬礪舊  
斂及增撰簡要又後是推過李子建掘鑿新坑倘見而不與  
匣其斂平其坑則戕陷人無盡期矣

盧氏祖常續易簡方論

五卷

存

自後序曰先哲迹顯說喻醫道之難有曰虱一虱也其類蟲其形數其患痒其害輕惡明而喜暗去寒而就暖啞膚咀血求匹成孕本不知其自亦不有其種初因惱人搔而獲之惟一而已及其盛也纍纍於衣縫紛紛於髮鬢捫之不盡櫛之復有在體者不踰肩在肩者不下項可謂形性不殊節守有定何其色一有異畏惡頓別黑者值蘗蘆而衰落白者近水銀而暗亡觀此凡為良工臨診值病證之純者治藥當如童蒙之囑小對字字清切證之駁者處方當如才子之破合題字字包盡又云一鴛生藥家有子年十七已冠頭上多虱父

取水銀製髮繩以辟之踰旬蟣虱如故在再客顏萎黃精神憔悴時云頭冷父疑其子思食致進更醫只作思色調理皆無寸功父常齋道一日齋者見其子疔羸起問其故父整情語之道人詳其頭冷便曉患生水銀徐微笑曰無藥可治惟貧道有術以起之只製銀便二條如鼻竅大各長二寸四分按二十四氣梗頂須平容貧道明早料理患家深信其說道人果如約至索銀梗呵況數四納患子鼻中揖曰且退迨暮再至緩手取出銀梗視之大笑以爪甲剔下水銀十數滴示其家人一毫無取怡怡而去挽之不留其子乃安父因閱神農經乃見水銀之性入人肉令人百節攣縮入人腦能蝕人

腦至盡道人以銀鞭引水銀蓋知以水銀性能蝕銀耳凡所  
施為無非神其術以動患家之信心即是而觀良工為學不  
可不博見識不可不廣人命不可不重取財不可不輕用藥  
不可不防患不如是不足以盡醫道安宜不知其難習易簡  
簡要為師借法而求食也重命君子欲服易簡簡要之藥敢  
請以糾繆參之可殺則投可服則服無貽病未必殺人藥之  
殺人多矣之深戒

按盧祖常永嘉人別號砥鏡老人書中稱愚少嬰異疾  
因有所遇癖於論醫吾鄉良醫陳無擇先生每一會面  
必相加議據此祖常為紹興已後人是書於王氏并志

寧二家逐件糾剔不遺餘力毒罵之甚非為續述者而  
其名書似不可解考澹寮方引是書作易簡方糾繆始  
知後序所謂請以糾繆參之之語蓋指其所著頃讀之  
名氏撮壤集醫書部有易簡方糾繆想後人與施氏書  
合梓因改舊目加以後集二字者歟

施氏發續易簡方論

六卷

存

題詞曰王德膺作易簡方大槩多選於三因而附以他方增  
損之今世士夫孰不愛重皆以治病捷要無論此書但其間

有失點動未免大醇而小疵予與德層蚤歲有羊面之好非  
敢求多之也特以人命所關不容緘默於是表而出之予豈  
好辨哉永嘉施發政卿撰

後序曰醫家著書盡立言以貽世而脈理精微難以遽解要當  
明示其虛實冷熱之證使人易於適從可也王氏此方名曰  
易簡士大夫往往以觀覽故多用之然其於虛實冷熱  
之證無所區別謂之爲簡無乃太簡乎此予續論之作所以  
不能自己也區區管見若此烏知後人之不我是耶淳祐癸  
卯夏五踰旬敬書于寓室桂堂

僧繼洪曰施發著續易簡方謂二生飲方王氏云治卒中昏  
不知人痰氣上壅咽喉作聲無問外感風寒內傷喜怒或六  
脈沈伏或指下浮盛並宜服之其誤後學者多矣殊不知中  
風中寒中濕中氣六脈沈伏者固可隨證增損用之若指下  
浮盛其脈心浮而洪數此卽挾熱中風之候烏可投以烏附  
大熱之劑如或用此是以火益火耳須先以稀涎飲微微去  
其涎俟稍蘇然後以加減小續命湯發散之斯爲得矣今之  
爲醫者所習多易簡凡見中者不辨其冷熱遽投三生飲三  
生未効易以三建湯三建復然其投止於重丹而已欲僥倖  
萬一之中而有時足以害人皆王氏啓之也更有中暑一證  
亦使人噎悶昏不知人其脈則虛弱而微遲或者不審以三

生飲治之禍不旋踵可不謹諸是乃施發之說也繼洪嘗讀  
醫餘一編有謂中風脈不大者非熱也是風脈也又中疾氣  
鬱痰結脈多沈伏故亦有浮而非熱沈而非實者是乃王氏  
不拘脈而用三生飲之祖意也亦未為全不是然則果其脈  
浮數而證有挾熱豈不誤人哉王氏又云不問外感內傷失  
之尤甚焉固不可詳施發之說也第施之辨脈猶未詳攻王  
之辭亦有強而奪理處故嘗謂諸師易簡方論交相抵訶各  
有偏枯且惟紛紛於藥畏更不言及人之臟腑有陰陽稟賦  
有厚薄安得公論之士為之裁斷云潛察方

徐氏若虛易簡歸一

伏

吳澄序曰近代醫方惟陳無擇議論最有根底而其藥多不  
驗嚴子禮剽取其論而附以平日所用經驗之藥則既無美  
矣王德膚學於無擇易簡三十方蓋持為窮鄉僻壤醫藥不  
便之地一時救急而設非可通於久遠而語於能醫者流也  
是以不免於容易苟簡其有以來施盧之攻也宜且加瘡痍  
之證病源不一治法自殊世有執無痰不成瘡無積不成痢  
之說而槩用一藥者或驗於甲而不驗於乙人但咎其藥之  
不靈而孰知由其辨之不明哉數見病瘡者對證依施氏用  
藥又數見病者對證依嚴氏用藥證各不同無不應手愈信

夫對證之明而處方之當者其功如此德層局以四獸斷下  
二藥豈可不笑也耶德層以來增補其書者凡三曰孫曰施  
曰盧豫章徐若虛皆以進士貢儒而工於醫又取四易簡而  
五之名曰易簡歸一其論益微密其方益該備施盧豈當避  
席而况王若孫子雖然微密非易也該備非簡也非易非簡  
而猶曰易簡蓋不忘其初吾取其有功於愈疾有德於人而  
已於書之難易繁簡也夫何計文集

按醫方類聚中所載王氏易簡方與德層書不同不知  
出于何人其體例亦類錄四家而成編豈徐若虛所著  
者歟山本草園允嘗輯為一卷雖非完璧使覽者易於

運用也

夏氏德懋 衛生十全方

宋志十三卷

佚

四庫全書提要曰衛生十全方三卷奇疾方一卷宋夏德懋  
德字子益其里貫始末未詳是書有唐仲友原序云友人夏  
子益哀其師傳之方經常簡易用輒得効者為十卷并取舊  
所家藏他方接其佳者為二卷附以自著奇疾方一卷共十  
三卷則此書非一人之所著觀其治腰腎疼方即唐鄭相國  
方其明證也今從永樂大典錄出輯為上中下三卷雖與原



書卷數十不逮其三四然諸證方藥論說亦已略具其中如  
肝脹離魂眼見禽蟲飛走及眼赤渾身生斑毛髮起如銅鐵  
鼻中毛長五尺口鼻腥臭水流有鐵色蝦魚等證皆罕見之  
變怪而治法甚為平近蓋本於相傳禁方不主尋常之軌轍  
他如奏功散之治產後中風率皆平正簡當則固非徒矜新  
異者矣書錄解題僅載奇疾方一卷宋史藝文志所載則書  
名卷數與仲友序竝合其奇疾三十八方已附見傳信適用  
方中又散見本草綱目中然不可以他書所引轉廢其本書  
故仍輯為一卷附之於後至其孰為師傳之十卷孰為家藏  
舊方之二卷則已不可辨別故亦合而編之焉

治奇疾方

書錄解題一卷

佚

陳振孫曰夏子益撰凡三十八道皆奇形怪證世間所未  
見者

亡名氏中興備急方

宋志二卷

佚

梅弟堅曰衛生家寶方載中興治血丹稱此方廬山中  
興寺僧傳據此是書亦彼僧所編歟

陳氏闕名經驗方

宋志五卷註曰不知名

佚

趙希弁曰陳氏經驗方五卷右書林陳先生集李文懿公壁為之序

趙氏鑄瘰癧備急方

宋志一卷

佚

黃氏環備問方

宋志一卷

佚

王氏世明濟世萬全方

宋志一卷

佚

亡名氏安慶集

宋志十卷

佚

吳氏彥慶傳信通用方

宋志一卷

未見

陳振孫曰傳信適用方二卷稱拙菴吳彥燮淳熙庚子  
四庫全書提要曰傳信適用方二卷不著撰人名氏宋史藝  
文志載此書亦不云誰作而引有劉禹錫傳信方二卷考此  
書每方之下皆註傳自某人中有引及和劑局方者必非禹  
錫書也書錄解題有傳道適用方二卷稱拙菴吳彥燮淳熙  
庚子撰與此本卷帙正同知此即彥燮之書傳寫譌信為道  
也此本由宋槧影寫前後無序跋所錄皆經驗之方中有八  
味圓問難一條尤深得製方之者其餘各方雖後人之選用  
而採擇未精者尚多未附夏子益治奇疾方三十八道具書  
罕見單行之本明李時珍本草綱目所載疑或從此鈔出也

陳氏并手集備急經効方

宋志一卷

佚

陳振孫曰陳氏手集方一卷建安陳抃

余氏細選奇方

書錄解題十卷

佚

陳振孫曰青田余細克舉撰

選奇方後集

書錄解題十卷

供

楊氏侯家藏方

宋志二十卷

存

自序曰夫醫之為藝探天地清濁之源察陰陽消息之機順  
四時之宜藉百藥之功以治人之疾者也粵自神農著金石  
草木之書黃帝岐伯撰內經素問其學盛行而不廢在  
世之士若扁鵲和緩藝成而名立蓋班班可考然皆心得其微取  
諸左右砭艾湯熨變化不測實未曾為方以詔後之人也惟  
伊尹論湯液漢長沙太守張機仲景引而申之始有可傳之

方蓋已末矣夫疾病之變無窮而吾之為方有限欲以有限  
之方通無窮之變其不附會臆度繆以毫釐者鮮矣是以有  
經絡形證之辨有增減參伍之法神而明之祈其人嗚呼豈  
以後人若扁鵲和緩者不可覩一得於千百年之間而人之  
有疾蓋死生於呼吸之際不得已而有是也歟由是言之後  
之醫以方為書者凡有一得之功舉不可廢也余家藏方甚  
多皆先和武恭王及余經用與耳目所聞嘗驗者也竭來當  
塗郡事多暇日發函出之以類編次凡用藥相似而主更切不  
同者備列之得一千一百一十一道蓋今之為醫者皆有自  
嘗試之方深藏篋中不輕以語人僥倖一旦之售以神其術

今余之所得多良醫之深藏而不語人者也方將使人家有是書集天下良醫之所長以待倉卒之用不亦慈父孝子之心乎於是鏡水郡齋以廣其傳云淳熙五年三月乙未朔代郡楊傑序

宋史楊存中傳曰存中子傑簽書樞密院事昭慶軍節度使陳振孫曰楊氏方二十卷樞密楊傑子靖以家藏方一千一百十有一首刻之當塗世多用之

按子靖仕履宋史欠詳今考之錢塘六和塔石刻四十二章經第三十八段子靖所書署曰左朝請郎尚書都官員外郎兼玉牒所檢討官兼權戶部員外郎楊傑崔

敦詩玉堂類藁有楊傑除節度使制稱特授靖海軍節度使依前提舉佑神觀進封繁時郡開國侯加食邑五百戶食實封二百戶又有賜徽猷閣學士太中大夫提舉神佑觀楊傑上表再辭免除靖海軍節度使簽書樞密院事進封雁門郡開國侯加食邑實封不允仍斷來章批答又有賜昭慶軍節度使楊傑辭免知荆南府不詔不得更有陳請詔又有賜昭慶軍節度使提舉隆興府玉隆萬壽宮楊傑上表再免知江陵府不允不得再有陳請詔是皆可以補史之遺文

宋史十卷

佚

按東密延壘跋楊氏方曰樞密洪楊二公給事胡公前  
後守當塗各有方書錄本于郡中亦遺愛之一端也其  
名曰洪氏集驗楊氏家藏胡氏經刻云此胡氏方似元  
質所著而宋志總字恐是經訛

陸氏游續集驗方

宋志二卷

佚

跋曰予家自唐丞相宣公在忠州時著陸氏集驗方故家世

喜方書予宦遊四方所獲亦以百計擇其尤可傳者號陸氏

續集驗方刻之江西倉司民為心齋淳熙庚子十一月望日

吳郡陸某謹書

文集

朱氏端章衛生家寶方

宋志六卷

闕

徐安國序曰傳云古之人不在朝廷之上必居醫卜之中醫  
卜賤伎而有道之士所注意焉何也吉凶死生民之大患也  
卜以知來醫以起死與民同患孰先斯二者故世之奇人  
道不特遇和光同塵與世俯仰不嚮卜於人間則賣藥於都市

蓋憂國惠民無所發洩不得不然也。若乃進而撫世澤加於民，視醫卜之伎，猶日中之燭火耳。何足溷吾天君耶？今有人為不以聲華榮利易其心，而刻意方藥，形愁思，眇若逃世之士，不得志者之所為，是必愛人利物之誠發於天性，有不吝自己者。則古岐伯、伊尹、大倉公、張長沙其人也。而今於南康郡守朱公端章見之焉。公政不徒善，志在及物。曰：問民疾苦，州刺史事也。而民之疫癘，則疾苦之大者。吾可勿問乎？迺辨四時寒暑燥濕之氣，處方治藥，家訪廬給，且以之全活者衆矣。復於暇日，召州從事徐安國，出方書數編示之，曰：此書傳自先世，或經手錄，無慮百方也。莫得賂將，廣其慮，搜羅未

盡而利不博，益為余增廣之。僕久蓄是志，耳剽目竊，編類猥多，稟命而退，復加訪討，或僚朋秘以全生，鄉貴貴珍而世醫寒儒窮年集驗，方士肘後密傳，一旦盡得之，刪去繁重，采掇祕要，與類相從，咸歸於條貫，就道齊而正焉。公喜而名之曰：衛生家寶，共八百餘方，凡四十三門，鈔諸板以遺天下。與來世噫，是書比千金聖惠，雖畧比本事，必用則詳，家藏一本，以備緩急，老幼可安堵矣。仁人之利，豈不博哉？或曰：用藥如用兵，徒守古法，不知合變，鮮不敗事者。紙上語，何可恃耶？僕曰：不然。醫之有方書，如射之有正鵠，雖不必中，而失亦鮮矣。若夫智悟神聖，學精工巧，心術之妙，運於杳冥之中，而應於色

脈之表則方書特上直爾故曰神而明之存乎其人淳熙十一年十一月十五日承議郎簽書南康軍判官廳公事徐安國謹序

衛生家寶湯方

宋志三卷

闕

葉氏大廉錄驗方

書錄解題三卷

存

陳振孫曰大社令延平葉大廉撰

跋曰葉氏錄驗方大廉先世所傳平日受用者也大廉少好藏書而於方書尤所注意官遊四方每歲卒傳錄成冊雖所積卷帙甚富前此未見人用或用而未見其功與夫大廉疑之而未敢輕用者皆不敢傳之於人大廉嘗見醫家有能療人之病而少有授人以方者每自思之與其施藥於人豈若錄已驗之方使其傳之寔廣遂略分門類別為上中下三卷俾壽春劉良弼三山許克臣二醫士詳加校正而錄本於龍舒郡齋淳熙丙午孟冬朔延平葉大廉謹書

李景和跋曰右葉氏錄驗方大社頃在龍舒面以見授具言集此書之不苟予歸而試之如治傷寒神授解肌湯補心七



寶丹等藥皆有奇効予後為雪為瘳日兩獄遇有病囚居民  
間值時氣輒施解肌湯為劑動以數十斤許服者無不立愈  
得名神捷誠不忝江淮間人多信用之它所或未之見予故  
刻之東陽郡齋嘉泰甲子九月望潯陽李景和書

王氏執中既効方

佚

王璆曰峽州教授王執中刊一書名既効方題方

醫籍考卷四十八

